

КАНОН БЛАГОДАРСТВЕННЫЙ
глас 8

Пресвятей Богородице
по избавлении от болезни¹

Песнь 1

Ирмос: Воду прошед, яко сушу, и египетского зла избежав, израильтянин вопияше: Избавителю и Богу нашему поим.

Двере Божественного Востока, двери сострастия ми отверзла еси и пути, ко аду кланяющегося, избавила еси: темже благодарственно присно славлю Тя.

Сердцем и духом и умом смиренным, зане уллучих, Дево святая, помощи от Тебе, благодарю Тя непрестанно, раб Твой.

Слава: Печаль преиде мне в радость, се бо видим есмь здрав благодатию Твоею: темже, Пренепорочная Мария, благодарю Тебе и верю славлю Тя.

И ныне: Ко храму Твоему Божественному прибегший, муками всякими обуреваем люто, раб Твой уллучи тишину: и сего ради, Дево, славит Тя.

Песнь 3

Ирмос: Небеснаго круга Верхотворче Господи, и Церкви Зиждителю, Ты мене утверди в любви Твоей, желаний краю, верных утверждение, едине Человеколюбче.

Греха глубина мя в великое море вверже, Чистая, болезни: но притекох в тишайшее щедрот Твоих пристанище и, уллучив исцеления, желанием славлю Тя.

Болезни моя отрада сталася еси и одержажия муки скоро изменила еси, Богоблагодатная: сего ради благодарственные гласы Ти провещаю верю, раб Твой.

Слава: Моего не презрела еси плачевнаго моления, точиши бо источник сострастия, благоутробная Владычице: темже болезнь мою и души муку Божественным посещением Твоим скоро утолила еси.

И ныне: От одра муки, от врат адовых мя, от теснейшаго озлобления вознесла еси к свету ослабы на широту крепости: тех ради величаю Тя, Нескверная Владычице.

Песнь 4

Ирмос: Услышах, Господи, смотрения Твоего таинство, разумех дела Твоя и прославих Твое Божество.

Одержажаго зноя огнем жегомое сердце мое росю милости Твоя свободила еси: сего ради, Дево, ублажаю Тя.

На мне удивила еси, Нескверная Богоневесто, милости Твоя, избавльши мя озлобления и одержажаго нечаяния.

Слава: Гласа моего услышавши, всякое от мене отъяла еси

¹ Творение Иоанна Евхаитского.

неудобство: темже всегда славлю Тя, Прославленная Приснодево.

И ныне: Сострастия сподобила еси несострадательна мя и посетила еси мя, во обстояниях смятаемого, Богородице: темже величаю Тя.

Песнь 5

Ирмос: Вскую мя отринул еси от лица Твоего, Свете Незаходимый, и покрыла мя есть чуждая тьма, окаяннаго? Но обрати мя и к свету заповедей Твоих пути моя направи, молюся.

Одержавший мя мрак посещением Твоим, Чистая, потребися, многи муки облегчение невидимо прияша: за сие славлю, благодарю и величаю теплое Твое, Дево, заступление.

Во смирении сердца песнь благодарственную, Чистая, приношу Ти, верный Твой раб, избавльшийся стужающих, Пречистая, и вопию Ти: Радуйся, Прибежище в нуждах сущих, радуйся, Единая человек Помоще.

Слава: Мрачный хитон стужающая мя болезни совлекла еси и исцеления сияющим паче чаяния облекла еси, темже ныне ликую обрадованно в храме Твоем, воспевая Твоя, Дево, чудеса.

И ныне: Неусыпным молением мя, хотящаго в смерть уснути, возбудила еси и конец болезней посещением Твоим Божественным положила еси, и возвела мя еси от глубины многия муки: сего ради, Дево, славлю Тя.

Песнь 6

Ирмос: Очисти мя, Спасе, многа бо беззакония моя, и из глубины зол возведи, молюся: к Тебе бо возопих, и услыши мя, Боже спасения моего.

Плач раба Твоего в радость обратила еси, растерзала бо еси мое многого озлобления вретисще, Пренепорочная, и веселием исцеления препоясала еси.

Разслаблена яко прежде Твой Сын возстави, Богородительнице Чистая, тако мя, раба Твоего, от раждающия смерть болезни восхитила еси: сего ради величаю Тя.

Слава: Концы моя жизни помышляющаго помиловала еси: и ныне, Дево Чистая, храм Твой святой радуясь обхожду, благодарственным языком и сердцем ублажаю Тя.

И ныне: Души моя уклонения исцели, Приснодево, яко утолила еси лютыя муки телесныя: яко да обоуду здрав, хвалу благодарственную имам приводите Ти.

Песнь 7

Ирмос: Отроцы еврейстии в пещи попраша пламень дерзновенно и на росу огонь преложиша, вопиюще: благословен еси, Господи Боже, во веки.

Радуйся, радости стужаемых и заступление обидимых, радуйся, крове нагих и славо вопиющих: благословен, Пречистая, Плод чрева Твоего.

Врачевание точиши болящим от длани Твоея, Марие Богородице, от негоже Твоего раба напоила еси, вопиющаго: благословен, Пречистая, Плод чрева Твоего.

Слава: Киими гласы Тя воспою? Коим языком Тя, Богородице, возвеличаю? Яко болезни горькия и трудов тягчайших благоутробием неизреченно свободила еси Твоего раба.

И ныне: Видела еси скорбь мою, Дево, и вняла еси гласу моему и

избавила еси лютых моих страстей и болезней и бед: благодарю Тя, Владычице, надеждо моя известная.

Песнь 8

Ирмос: Седмерицею пещь халдейский мучитель Богочестивым неистовно разжже, силою же лучшею спасены сия виде, Творцу и Избавителю вопияше: отроцы, благословите, священницы, воспойте, людие, превозносите во вся веки.

Болезнями стенаемый, огневицею палимый и треволнением лютым сотрясаемый приступих к Тебе, Владычице Благословенная Пречистая; и яко милостивая не омерзила мя еси отнюд, но спасла еси вопиющего: священницы благословите, людие превозносите Христа во веки.

Обдержанными болезнями горько ми сокрушаему и нечаянием живота стенаему, нескверная, на мое смирение призрела еси и к исцелению известному призвала еси, вопиющего от сердца: священницы благословите, людие превозносите Христа во веки.

Слава: На мою воззрела еси, Богомати, немощь и благоутробием паче чаяния спасла еси раба Твоего, Владычице: веселием исполнила еси, силою Божественною и радостию поющего: отроцы благословите, священницы пойте, людие превозносите Христа во веки.

И ныне: Улучив исцеления, Езекия прежде к дому Господню скоро притече, Бога Вседержителя благодарити, Владычице: аз же, улучив от Тебе исцеление, к храму Твоему приступих, от души и сердца благодаря Тя, Дево, во вся веки.

Песнь 9

Ирмос: Устрашися всяк слух неизреченна Божия снисхождения, яко Вышний волею сниде даже и до плоти, от девического чрева быв Человек: темже Тя, Пречистую Богородицу, вернии, величаем.

Кое хваление, Благая, достойно возсылати имам раб Твой, зане такового благодеяния сподобила мя еси и страстей, ведущих мя в ада пропасти, свободила мя еси ходатайством Твоим, Препоблагословенная?

Святое селение Божие, радуйся, Едина смертных украшение, храме Пресвятой Царя и престоле огненный, милосердым Твоим претяжением¹ тяготу облегчила еси болезни моя, и исцеления и жизни сподобила мя еси.

Слава: Приидите, вся братие моя, совозвеселитесь обще величающе Божию Матерь, источник изобильный, от негоже мне ток пресветлый исцеления проистече и пламень болезней моих до конца погуби.

И ныне: Нескверная Владычице Чистая, сердца моего страсти исцели и будущия мя жизни Божественныя причастника сотвори и тяжких жития молении Твоими избави, да славлю Тя, заступление верных, нескверная.

¹ Груз у весов. Здесь тяжесть грехов и милосердия сопоставляется с перевешивающим их заступлением Божией Матери.